

Landesbibliothek Oldenburg

Digitalisierung von Drucken

**Terentivs,|| A` M. Antonio Mvreto|| locis prope
innumerabilibus|| emendatus.||**

Terentius Afer, Publius

Venetiis, 1558 [erschienen] 1559

Scena II.

[urn:nbn:de:gbv:45:1-723936](#)

ANDRIA

Non dubium est quin uxorem nolit filius:
Ita Daum modo timere sensi, ubi nuptias
Futuras esse audiuit. sed ipse exit foras.

ACTVS PRIMI SCENA II.

DAVVS, SIMO.

- D. Irabar, hoc si sic abiret: et heri semper lenitas,
M Verebar, quorsum euaderet.
Qui postquam audierat non datum iri filio
uxorem suo,
Nunquam cuiquam nostrum uerbum fecit, neque id
ægre tulit.
S. At nunc faciet, neque, ut opinor, sine tuo magno malo.
D. Id uoluit, nos sic nec opinantes duci falso gaudio,
Sperantes iam amoto metu, interea oscitantes opprimi,
Ut ne esset spatium cogitandi ad disturbandas nuptias:
Astute. S. carnifex quæ loquitur? D. herus est, neque
præuideram.
S. Daue. D. hem, quid est? S. ehodum ad me. D. quid hic
uolt? S. quid ais? D. qua de re? S. rogas?
Meum gnatum rumor est amare. D. id populus curat
scilicet.
S. Hoccine agis, an non? D. ego uero istuc. S. sed nunc
ea me exquirere,
Iniqui patris est: nam, quod antehac fecit, nihil ad
me attinet:
Dum tempus ad eam rem tulit, siuui animum ut exples
ret suum:

Nunc



Nunc hæc dies aliam uitā affert, alios mores postulat.
Dehinc postulo, sine æquum est, te oro Daue, ut redeat
iam in uiam.

D. Hoc quid sit? S. orines qui amant, grauiter sibi da-
ri uxorem ferunt.

D. Ita aiunt. S. tum si quis magistrum cepit ad eam rem
improbum,
ipsum animum ægrotum ad deteriorem partem ple-
runque applicat.

D. Non hercle intellego. S. non? hem. D. non: Da-
uus sum, non Oedipus,

S. Nempe ergo aperte uis, quæ restant, me loqui. D.
sane quidem.

S. Si sensero hodie, quidquam in his te nuptijs
Fallacio conari, quo fiant minus;
Aut uelle in ea re ostendere, quām sis callidus:
Verberibus cæsum te in pistrinum Daue dedam usque
ad necem,
Ea lege, atque omine, ut, si te inde exemerim, ego
pro te molam.

Quid, hoc? intellectin' ? an nondum etiam ne hoc
quidem? D. immo callide:
Ita aperte ipsam rem modo locutus: nihil circuitione
usus es.

S. ubiuis, facilius passus sim, quām in hac re, me dea-
ludier.

D. Bona uerba quæso. S. irrides? nihil me fallis, sed
dico tibi,
Ne temere facias, neque tu hoc dicas tibi non prædi-
ctum, caue.

ACTVS

ANDRIA

ACTVS PRIMI SCENA III.

DAVVS.

Nimero Daue nihil loci est segnitiae, neque
socordiae,

Quantum intellexi modo sensis sententiam
de nuptijs.

Quæ si non astu prouidentur, me aut herum pessundabunt.

Nec, quid agam, certum est, Pamphilum ne adiutem,
an auscultem seni.

Si illum relinquo, eius uitæ timeo; sin opitulor, huius
minas:

Cui uerba dare difficile est. primum iam de amore, hoc
comperit:

Me infensus seruat, ne quā faciam in nuptijs fallaciā.

Si senserit, perij; aut, si libitum fuerit, caussam ceperit,

Quo iure, quaq; iniuria præcipitem in pistriñ dabit.

Ad hæc mala hoc mi accedit etiam: hæc Andria,

Sive ista uxor, sive amica est, grauida è Pamphilo est:

Audireq; eorum est operæ pretium audaciam:

Nam inceptio est amentium, haud amantium:

Quicquid peperisset, decreuerunt tollere:

Et fingunt quandam inter se nunc fallaciam,

Ciuem Atticam esse hanc: fuit olim quidam senex,

Mercator: nauem is fregit apud Andrum insulam:

Is obiit mortem: ibi tum hanc eiectam Chrysidis

Patrem recepisse orbam, paruam. fabule,

Mihi quidem non hercle fit uerisimile.

Atqui ipsis commentum placet.

ACTA

Sed